



Slysatrygging barna hjá dagforeldrum Hóptrygging

Skilmáli nr. SS45

Tryggjandi er VÍS tryggingar hf., kt. 670112-0470, hér eftir nefnt „VÍS“.

Um trygginguna gildir:

- Skírteinið ásamt áritunum og sérskilmálum.
- Skilmáli þessi nr. SS45.
- Almennur skilmáli VÍS nr. YY10.
- Lög um váttryggingarsamninga nr. 30/2004.

Skírteini og endurnýjunarkvittun ganga framur skilmálum. Skírteini, endurnýjunarkvittun og skilmálar ganga framur frávíkjanlegum lagaákvæðum.

Trygging þessi er samkvæmt 13. gr. reglugerðar um daggæslu barna í heimahúsum nr. 907/2005.

Slysatrygging barna hjá dagforeldrum er fyrir dagforeldra sem vilja tryggja börnin á meðan þau eru í þeirra umsjá.

Skilmáli segir til um hvaða réttindi og skyldur þú og VÍS hafið.

Skírteini staðfestir að þú hafir keypt tryggingu hjá VÍS. Skírteinið er aðgengilegt með því að skrá sig inn á vis.is.

1. Hver er tryggður?

- 1.1 Barn sem skráð er í vistun hjá tryggingartaka.
- 1.2 Tryggður getur ekki gert fyrirvara um þátttöku í tryggingu þessari.

2. Hvar gildir tryggingin?

- 2.1 Tryggingin gildir á meðan barnið er í umsjá dagforeldris.

3. Hugtakið slys

- 3.1 Með hugtakinu slys er átt við skyndilegan utanaðkomandi atburð sem veldur meiðslum á líkama þess sem tryggður er og gerist án vilja hans. Við meiðsl á útlimum er þess þó eingöngu krafist að um sé að ræða skyndilegan atburð sem veldur meiðslum á líkama tryggðs og gerist án vilja hans.

4. Hvað bætir tryggingin?

- 4.1 VÍS greiðir bætur vegna slyss er tryggður verður fyrir, hvernig svo sem slysið ber að, hver svo sem á sök á því og hvort sem slysið verður við nám eða leik, ef það leiðir til:
 - a) Andláts.
 - b) Varanlegrar læknisfræðilegrar örorku.
- 4.2 VÍS greiðir slysakostnað vegna slyssins, þ.á m. kostnað vegna tannbrots. Slysakostnaður er eingöngu greiddur að því marki sem hann fæst ekki greiddur hjá Sjúkratryggingum Íslands.

5. Sérstakar takmarkanir á bótaskyldu

- 5.1 Tryggingin bætir ekki tjón eða aukningu á tjóni sem beint eða óbeint hlýst af eða er af völdum jarðskjálfta, eldgoss, skriðufalls, snjóflóðs eða annarra náttúruhamfara.

6. Skyldur tryggingartaka

- 6.1 Tryggingartaki skal halda skrá yfir tryggð börn sem falla undir trygginguna.
- 6.2 Tryggingartaki skal sjá til þess án ástæðulauss dráttar að tryggð börn (forsjármenn tryggðra barna) fái afrit af skírteini, skilmála þessum og almenna skilmála VÍS.
- 6.3 Tryggingartaki skal senda tryggðum (forsjármönnum tryggðra barna sem falla undir trygginguna) skriflega tilkynningu um brottfall tryggingar um leið og hið tryggða barn fellur ekki lengur undir tryggingaverndina.
- 6.4 Tryggingartaki skal senda VÍS upplýsingar um börn í vistun hjá honum, þegar VÍS óskar þess.



7. Tryggingarfjárhæð

- 7.1 Hámarks fjárhæðir vegna andláts, örorku og slysakostnaðar koma fram í skírteini eða endurnýjunarkvittun.
- 7.2 Tryggingarfjárhæðir breytast í samræmi við vísitölu neysluverðs.

8. Ákvörðun bóta

8.1 Dánarbætur:

- 8.1.1 Látist tryggður vegna afleiðinga slyss innan eins árs frá slysdegi greiðast dánarbætur á grundvelli þeirrar tryggingarfjárhæðar sem var í gildi á slysdegi að frádregnum bótum sem VÍS kann að hafa greitt tryggðum fyrir varanlega örorku vegna sama slyss.
- 8.1.2 Ef tryggður deyr af völdum slyss, þegar meira en ár er liðið frá slysdegi, en áður en endanlegt örorkumat hefur farið fram, greiðast örorkubætur samkvæmt bráðabirgðaörorkumati, þó aldrei hærrí fjárhæð en dánarbætur mundu hafa verið.
- 8.1.3 Dánarbætur greiðast því aðeins að slysið sé bein og eina orsök að andláti tryggðs. Ef sjúkdómur, veiklun eða sjúklegt ástand tryggðs eru meðorsakir dauða hans, greiðast engar dánarbætur. Þetta gildir hvort sem ástand þetta var til staðar þegar slysið varð eða skapaðist síðar, án þess þó að vera beinlínis og einungis afleiðing af slysi sem tryggingin nær til.
- 8.1.4 VÍS á rétt á því að hinn látni verði krufinn til þess að leiðd verði í ljós dánarorsök og annað sem máli gæti skipt um bótaábyrgð VÍS.

8.2 Bætur vegna varanlegrar læknisfræðilegrar örorku:

- 8.2.1 Valdi slyss tryggðum varanlegri læknisfræðilegri örorku innan þriggja ára frá því slysið varð greiðast örorkubætur á grundvelli þeirrar tryggingarfjárhæðar sem var í gildi á slysdegi.
- 8.2.2 Örorkuna skal meta í hundradshlutum samkvæmt töflum örorkunefndar um miskastig, sem eru í gildi þegar örorkumat fer fram. Við ákvörðun örorkunnar ber ekki að taka tillit til starfs, sérstakra hæfileika né þjóðfélagsstöðu. Slyss sem eingöngu valda lýti skal ekki meta til örorku. Ef líkur eru til að ástand tryggðs megi bæta með skurðaðgerðum eða öðrum slíkum aðgerðum ber að taka tillit til hugsanlegs bata sem slíkar aðgerðir kynnu að hafa í för með sér. Sé áverka hins slasaða ekki getið í töflum örorkunefndar um miskastig skal meta hann sérstaklega með hliðsjón af töflunum. Vegna 100% varanlegrar læknisfræðilegrar örorku greiðist öll tryggingarfjárhæðin, en við minni örorku hlutfallslega. Örorkan getur aldrei talist meiri en 100%.
- 8.2.3 Ef missir útlíma, sjónar eða heyrnar er ekki alger bætist örorkan hlutfallslega. Ef útlimir eru algerlega ónothæfir telst það missir þeirra. Ef þeir eru að einhverju leyti nothæfir reiknast örorkan hlutfallslega.
- 8.2.4 Missir eða bæklun á útlím eða líffæri sem var ónothæft fyrir slysið gefur ekki rétt til bóta vegna varanlegrar læknisfræðilegrar örorku. Missir eða bæklun á útlím eða líffæri sem áður var bæklað skal metið til örorku með hliðsjón af bækluninni fyrir slysið.
- 8.2.5 Örorkan skal að jafnaði metin einu ári eftir slysið, annars þegar lækni telur að varanlegar afleiðingar slyssins hafi komið í ljós, en þó ekki síðar en þremur árum eftir slysdag.
- 8.2.6 Leiði slyss til varanlegrar læknisfræðilegrar örorku skulu VÍS og tryggður eða forsjármaður hans koma sér saman um einn hæfan matslækni til þess að meta afleiðingar slyssins.

8.3 Bætur vegna tannbrots:

- 8.3.1 VÍS greiðir viðgerðir á heilbrigðum og vel viðgerðum tönnum sem brotna eða laskast við slyss.
- 8.3.2 Greiðsla VÍS takmarkast við 5% af grunntryggingarfjárhæð örorku vegna hvers slyss og samanlagðar greiðslur vegna slysa á hverju tryggingartímabili við 7,5% af sömu fjárhæð.
- 8.3.3 VÍS bætir þó ekki tennur sem brotna þegar tryggður matast.

8.4 VÍS er heimilt að láta ráðgefandi lækni skoða tryggðan.

8.5 VÍS er heimilt að afla sér upplýsinga um fyrra heilsufar tryggðs að fengnu samþykki hans eða forsjármanns hans.

9. Breyting á skilmálum á tryggingartímabili

9.1 VÍS er heimilt að breyta skilmálum þessum á tryggingartímabili, sbr. 133. gr. laga um váttryggingarsamninga nr. 30/2004.

10. Framsal

10.1 Tryggður eða forsjármaður hans má ekki án samþykkis VÍS framselja réttindi sín samkvæmt tryggingarsamningnum.



11. Upphaf og lok tryggingarverndar tryggðs

- 11.1 Ábyrgð VÍS gagnvart tryggðum hefst þegar hann byrjar í dagvistun hjá tryggingartaka.
- 11.2 Tryggingin fellur niður gagnvart tryggðu barni 14 dögum eftir að tryggingartaki sendi skriflega tilkynningu um brottfall hennar og í síðasta lagi tveimur mánuðum eftir að tryggt barn hætti í dagvistun hjá tryggingartaka, sbr. 131. gr. laga um vátryggingarsamninga nr. 30/2004.
- 11.3 Ef tryggingunni er sagt upp, hún ekki endurnýjuð eða fellur úr gildi vegna vanskila tryggingartaka, fellur hún úr gildi gagnvart tryggðum einum mánuði eftir að VÍS sendi tilkynningu til tryggðs um brottfall hennar.

Það sem fram kemur á hægri spássíu er eingöngu til leiðbeiningar fyrir viðskiptavini en er ekki hluti af texta skilmálans og ekki ætlað til túlkunar einstakra greina hans.